

# Kampong Ayer, Brunei Darussalam

## BERFIKIR

### LIHAT

Berapakah bilangan bot yang boleh anda nampak?

Nyatakan jenis-jenis bumbung bangunan yang kelihatan.

Bagaimanakah bangunan-bangunan di latar belakang gambar berbeza daripada rumah-rumah terapung di latar hadapan gambar?

### FIKIR

Pada pendapat anda, apakah yang berlaku sebelum gambar ini diambil? Apakah yang berlaku selepas gambar ini diambil?

### TANYA-TANYA

Saya tertanya-tanya bagaimanakah penggunaan tiang dapat menyokong rumah-rumah ini? Adakah terdapatnya pasar di dalam komuniti ini?

## BERKONGSI

*"Saya suka bunyi air. Semuanya lebih mudah di kampung air. Anda tidak tergesa-gesa untuk pergi ke mana-mana."*

Dk Kemariah Pg Hj Duraman, pemilik Kunyit 7 Lodge, sebuah inap desa di Kampong Ayer

Sumber: Wong M.H. dan Tham, D. (2018)

Nyatakan tempat-tempat di dalam komuniti anda yang digemari. Apakah yang membuatkan anda gemar akan tempat-tempat tersebut?

Bagaimanakah perasaan anda apabila mengunjungi tempat-tempat tersebut?


## BERTINDAK

Kampong Ayer mempunyai perkhidmatan pengumpulan sampah. Tetapi, ia masih dipenuhi dengan sampah yang telah hanyut ke hilir dari tempat lain. Bincangkan langkah-langkah yang boleh diambil untuk membersihkan Kampong Ayer.

Adakah terdapat tempat di dalam komuniti anda yang perlu dikekalkan bersih

Setiap kampung mempunyai masjid. Ini adalah Masjid Sultan Omar Ali Saifuddin yang dinamakan sempena Sultan yang ke-28. Kubah masjid ini diliputi emas.

Kadang-kadang, monyet-monyet dari hutan berdekatan mencari makanan di persekitaran rumah atau sekolah.



Rumah-rumah di Kampong Ayer dihubungkan dengan papan kayu.

Pokok-pokok bakau masih tumbuh di tebing sungai berhampiran Kampong Ayer.

Teksi sungai boleh didapati di setiap dermaga. Banyak keluarga mempunyai bot sendiri kerana mereka adalah nelayan. Sekarang, ramai yang bekerja di bandar berdekatan.